

"মিষ্টি বাচ্চারা - এই সঙ্গম যুগ হল উত্তম থেকেও উত্তম হওয়ার যুগ, এই যুগেই তোমাদের পতিত থেকে পবিত্র হয়ে পবিত্র দুনিয়া বানাতে হবে"

প্রশ্ন :- অস্তিম সময়ের অত্যন্ত বেদনা দায়ক দৃশ্য দেখার জন্য তোমাদের কোন্ আধারে দৃঢ়তা আসবে ?

উত্তর :- তোমরা দেহ - ভাবকে দূর করতে থাকো। অস্তিম দৃশ্য খুবই কড়া। বাবা তাঁর বাচ্চাদের মজবুত বানানোর জন্য অশরীরী হওয়ার ইঙ্গিত দেন। বাবা যেমন এই শরীর থেকে পৃথক হয়ে তোমাদের শিক্ষা দেন, বাচ্চারা, তোমরাও তেমনই নিজেদের শরীর থেকে পৃথক মনে করো, অশরীরী হওয়ার অভ্যাস করো। তোমাদের বুদ্ধিতে যেন থাকে যে, এখন আমাদের ঘরে ফিরে যেতে হবে।

ওম্ শান্তি। মিষ্টি - মিষ্টি আত্মা রূপী বাচ্চারা এখন শরীরের সঙ্গেই আছে। বাবাও এখন এই শরীরের সঙ্গেই আছেন। তিনি এই ঘোড়ার গাড়িতে সাওয়ার আছেন আর বাচ্চাদের তিনি কি শেখান? তিনি শেখান, বেঁচে থেকেও মৃত্যুতুল্য (জীবন্মৃত) কিভাবে থাকা যায়, বাবা ছাড়া এ আর কেউই শেখাতে পারেন না। সব বাচ্চারাই বাবার পরিচয় পেয়েছে, তিনি হলেন জ্ঞানের সাগর, পতিত - পাবন। এই জ্ঞানের দ্বারাই তোমরা পতিত থেকে পবিত্র হও আর পবিত্র দুনিয়াও তো বানাতে হবে। নিয়ম অনুসারে এই পতিত দুনিয়ার ডামার বিনাশ হতে হবে। কেবলমাত্র যারা বাবাকে চিনতে পেরেছেন আর ব্রাহ্মণও হয়েছেন কেবল তারাই পবিত্র দুনিয়াতে গিয়ে রাজত্ব করে। এই পবিত্র হওয়ার জন্য অবশ্যই ব্রাহ্মণও হতে হবে। এই সঙ্গম যুগ হলো পুরুষোত্তম অর্থাৎ উত্তম থেকে উত্তম পুরুষ হওয়ার যুগ। মানুষ বলে থাকে অনেক সাধু, সন্ত, মহাত্মা, উজির, আমীর, প্রেসিডেন্ট ইত্যাদি, এরাও তো উত্তম। তা কিন্তু নয়, এ তো কলিযুগী ব্রষ্টাচারী দুনিয়া, এই পতিত দুনিয়াতে একজনও সম্পূর্ণ পবিত্র নয়। এখন তোমরা সঙ্গমযুগী হচ্ছে। ওরা গঙ্গাকে পতিত - পাবনী মনে করে। কেবল গঙ্গাই নয়, যেখানেই নদী আছে, যেখানেই জল দেখে, মনে করে জলই পবিত্র করে। এ কথা বুদ্ধিতে বসে গেছে। যে যেখানে বলে সেখানে চলে যায় অর্থাৎ সেই জলে স্নান করতে যায় কিন্তু জলে তো কেউই পবিত্র হয় না। জলে স্নান করলেই যদি সকলে পবিত্র হয়ে যেত তাহলে এখন সম্পূর্ণ সৃষ্টিই পবিত্র হতো। এতো সব পবিত্র দুনিয়াতে থাকা উচিত। এ তো পুরানো রেওয়াজ চলে আসছে। সাগরেও যত আবর্জনা গিয়ে জমা হয় তাহলে তা পবিত্র কিভাবে বানাবে? পবিত্র তো আত্মাকে হতে হবে। এর জন্য তো পরমপিতাকে প্রয়োজন যে আত্মাকে পবিত্র বানাবে। তাই তোমাদের বোঝাতে হবে - পবিত্র মানুষ সত্যযুগেই থাকে, পতিত মানুষ থাকে কলিযুগে। তোমরা এখন সঙ্গম যুগে আছো। তোমরা পতিত থেকে পবিত্র হওয়ার জন্য পুরুষার্থ করছো। তোমরা জানো যে, আমরা শূদ্র বর্ণের ছিলাম, এখন ব্রাহ্মণ বর্ণের হয়েছি। শিববাবা প্রজাপিতা ব্রহ্মার দ্বারা আমাদের ব্রাহ্মণ করেন। আমরাই হলাম প্রকৃত মুখ - বংশাবলী ব্রাহ্মণ। ওরা হলো কুলজাত ব্রাহ্মণ। প্রজাপিতা, তো সমস্তই প্রজা হয়ে গেলো। প্রজাদের পিতা হলো ব্রহ্মা। সে তো গ্রেট গ্রেট গ্র্যান্ড ফাদার হয়ে গেলো। অবশ্যই তিনি ছিলেন তাহলে তিনি এখন কোথায় গেলেন? পুনর্জন্ম তো নেন, তাই না। বাচ্চাদের তো এ কথা বলাই হয়েছে যে, ব্রহ্মাও পুনর্জন্ম নেন। ব্রহ্মা আর সরস্বতী, মা আর বাবা। তাঁরাই আবার মহারাজা - মহারানী হন, যাঁকে বিষ্ণু বলা হয়। তাঁরাই আবার ৮৪ জন্মের অন্তে এসে ব্রহ্মা - সরস্বতী হন। এই রহস্য তো তোমাদের বোঝানো হয়েছে। বলা হয় যে, জগত আত্মা তো সম্পূর্ণ

জগতের মা । লৌকিক মা তো প্রত্যেকেরই ঘরে ঘরে আছে কিন্তু জগত আমাকে কেউই জানে না । এমনই অন্ধশ্রদ্ধার থেকে বলে দেয় । মানুষ কিছুই জানে না । যাঁর পূজা করে তাঁর কাজ সম্বন্ধে জানেই না । বাম্বারা, এখন তোমরা জানো, রচয়িতা হলেন উঁচুর থেকেও উঁচু । এ হলো উল্টো বৃক্ষ, যার বীজরূপ উপরে আছে । তোমাদের পবিত্র বানানোর জন্য বাবাকে উপর থেকে নীচে আসতে হয় । বাম্বারা, তোমরা জানো যে, বাবা এসেছেন আমাদের এই সৃষ্টির আদি - মধ্য এবং অন্তের জ্ঞান দিয়ে সেই নতুন সৃষ্টির চক্রবর্তী রাজা -রাণী বানানোর জন্য । এই চক্রের রহস্য তোমরা ছাড়া এই দুনিয়ার আর কেউই জানে না । বাবা বলেন, আবার পাঁচ হাজার বছর পরে আমি এসে তোমাদের বলবো । এই ড্রামা হলো বানানো । ড্রামার ক্রিয়েটর, ডিরেক্টর, মুখ্য অভিনেতাদের আর ড্রামার আদি - মধ্য এবং অন্তকে না জানলে তাদের তো বুদ্ধিহীন বলবে, তাই না । বাবা বলেন যে, পাঁচ হাজার বছর আগেও আমি তোমাদের বুঝিয়েছিলাম । তোমাদের আমি নিজের পরিচয় দিয়েছিলাম । এখন যেমন দিচ্ছি । তোমাদের আমি পবিত্রও বানিয়েছিলাম যেমন এখন বানাচ্ছি । তোমরা নিজেদের আত্মা মনে করে বাবাকে স্মরণ করো । তিনিই হলেন সর্বশক্তিমান এবং পতিত পাবন । বলা হয়ে থাকে -- অস্তিম সময়ে যেমন স্মরণ করবে, তেমন যোনিতে আসবে । এখন তোমরা তো জন্ম নাও কিন্তু শূকর, কুকুর, বিড়াল ইত্যাদি হও না ।

বেহদের বাবা এখন এসেছেন । তিনি বলেন, আমি তোমাদের সকল আত্মাদের পিতা । এরা সকলেই কাম চিতায় বসে কালো হয়ে গেছে, এদের আবার জ্ঞান চিতায় বসাতে হবে । তোমরা এখন জ্ঞান চিতায় বসেছো । জ্ঞান চিতায় বসে আবার বিকারে যেতে পারবে না । প্রতিজ্ঞা করে যে, আমরা পবিত্র থাকবো । বাবা কখনো ওই রাখী বাঁধান না । এ তো ভক্তিমার্গের রেওয়াজ চলে আসছে । বাস্তবে এ হলো এই সময়ের কথা । তোমরা বুঝতে পারো যে, পবিত্র হওয়া ছাড়া পবিত্র দুনিয়ার মালিক কিভাবে হবে ? তবুও দূঢ় করানোর জন্য প্রতিজ্ঞা করানো হয় । কেউ রক্ত দিয়ে লিখে দেয়, কেউ আবার অন্য কিছু দিয়েও লিখে দেয় যে, বাবা তুমি এসেছো, আমি তোমার থেকে অবিনাশী উত্তরাধিকার অবশ্যই দেবো । নিরাকার তো সাকারের মধ্যেই আসে, তাই না । বাবা যেমন পরমধাম থেকে নেমে আসেন, তেমনি তোমরা আত্মারাও নেমে আসো । তোমরা উপর থেকে নীচে আসো অভিনয় করতে । এ তো তোমরা বুঝতে পারো যে, এই নাটক হলো সুখ - দুঃখের খেলা । এর অর্ধেক কল্প হলো সুখ আর অর্ধেক কল্প হলো দুঃখ । বাবা বোঝান যে, চার ভাগের তিনভাগ সুখই তোমরা ভোগ করো । অর্ধেক কল্পের পরে তোমরাই ধনবান ছিলে । কতো বড় মন্দির ইত্যাদি বানানো হবে । দুঃখ তো আসে পরের দিকে যখন ভক্তি একদম তমোপ্রধান হয়ে যায় । বাবা বুঝিয়েছেন, তোমরা প্রথমদিকে অব্যাভিচারী ভক্ত ছিলে, কেবল একজনের ভক্তিই করতে । যে বাবা তোমাদের দেবতা বানান, সুখধামে নিয়ে যান, তোমরা তাঁরই পূজা করতে, পরের দিকে ব্যাভিচারী ভক্তি শুরু হয় । প্রথমে তোমরা একজনের পূজা তারপর দেবতাদেরও পূজা করতে । এখন তো পঞ্চ ভূতের দ্বারা নির্মিত শরীরেরও পূজা করে থাকো । চৈতন্যকেও আবার জড় পদার্থেরও পূজা করো । পাঁচ তত্ত্বের নির্মিত শরীরকে দেবতাদের থেকেও উঁচু মনে করো । দেবতাদের তো কেবল ব্রাহ্মণ স্পর্শ করতে পারে । তোমাদের গুরুও তো অনেক আছে । এ কথা বাবা বসেই বলেন । এই দাদাও বলেন যে, আমিও অনেক কিছুই করেছি । বিভিন্ন হঠযোগ ইত্যাদি, কান, নাক মোলা আদি সবকিছুই করেছি । অবশেষে সবকিছুই ছেড়ে দিতে হয়েছিল । ওই অভ্যাস করবো নাকি এই অভ্যাস ? আমার ক্লাস্তিভাব আসতো তাই বিরক্ত হয়ে যেতাম । প্রাণায়াম ইত্যাদি শিখতে খুবই কষ্ট হয় । অর্ধেক কল্প আমরা ভক্তিমার্গে ছিলাম, এখন আমরা জানতে পেরেছি । বাবা সম্পূর্ণ সঠিক কথা বলেন । ওরা বলে যে,

ভক্তি পরম্পরা ধরে চলে আসছে। এখন সত্যযুগে ভক্তি কোথা থেকে আসবে? মানুষ কিছুই বোঝে না। মূঢ় বুদ্ধি তো, তাই না। সত্যযুগে তো এমন কিছুই বলবে না। বাবা বলেন যে, আমি প্রতি পাঁচ হাজার বছর অন্তর আসি। শরীরও তাঁরই নিই, যে নিজের জন্মকেও জানে না। এই সেই এক নম্বর যে সুন্দর ছিলো, সেই এখন শ্যাম হয়ে গেছে। আত্মা ভিন্ন - ভিন্ন শরীর ধারণ করে। তাই বাবা বলেন, আমি যাঁর মধ্যে প্রবেশ করি, তারমধ্যেই এখন বসে আছি। কি শেখাতে বসে আছি? বেঁচে থেকেও মরে যাওয়া। এই দুনিয়া থেকে তো মরতেই হবে, তাই না। এখন তোমাদের পবিত্র হয়েই মৃত্যুবরণ করতে হবে। আমার পাটই হলো পবিত্র করার। তোমরা, ভারতবাসীরা ডাকো - হে পতিত - পাবন। আর কেউই এমন বলে না - হে উদ্ধারকর্তা, আমাদের দুঃখের দুনিয়া থেকে মুক্ত করতে এসো। সবাই মুক্তিধামে যাওয়ার জন্যই পরিশ্রম করে। বাচ্চারা, তোমরা আবার পুরুষার্থ করো সুখধামে যাওয়ার জন্য। ওটা হলো প্রবৃত্তিমার্গের মানুষদের জন্য। তোমরা জানো যে, আমরা প্রবৃত্তি মার্গের পবিত্র ছিলাম। তারপর অপবিত্র হয়েছি। প্রবৃত্তিমার্গের মানুষদের কাজ নিবৃত্তিমার্গের মানুষরা করতে পারবে না। যজ্ঞ - দান - তপ সবই প্রবৃত্তিমার্গের মানুষই করে থাকে। তোমরা এখন অনুভব করো যে, এখন আমরা সবাইকেই জানি। শিববাবা আমাদের সবাইকে ঘরে বসে পড়াচ্ছেন। বেহদের বাবা বেহদের সুখ দান করেন। তাঁরসঙ্গে তোমরা দীর্ঘ সময় বাদে মিলিত হও তাই তোমাদের চোখে প্রেমের অশ্রু আসে। 'বাবা' বললেই তোমরা রোমাঞ্চিত হয়ে যাও - অহো! বাবা এসেছেন আমাদের সেবার কারণে। এই পড়া পড়িয়ে বাবা আমাদের ফুল বানিয়ে নিয়ে যান। তিনি আমাদের এই নোংরা ছিঃ - ছিঃ দুনিয়া থেকে নিজের সাথে করে নিয়ে যাবেন। ভক্তিমার্গে তোমাদের আত্মা বলতো, বাবা আপনি যখন আসবেন, আমরা বলিহারি যাবো। আমরা অন্য কারোর নয়, কেবলমাত্র আপনার হবো। নম্বরের ক্রমানুসার তো আছেই। সকলেরই নিজের নিজের পাট আছে। কেউ কেউ তো বাবাকে খুবই ভালোবাসেন, যে বাবা স্বর্গের অবিনাশী উত্তরাধিকার দেন। সত্যযুগে কাল্লার কোনো চিহ্ন থাকে না। এখানে তো মানুষ কত কাল্লাকাটি করে। এখন তোমরা স্বর্গে যাবে তাই কাল্লা কেন, বাজনা বাজানোর দরকার। ওখানে তো সবাই বাজনা বাজায়। এখানে তমোপ্রধান শরীর খুশীর সঙ্গে ত্যাগ করে। এই নিয়মও এখান থেকেই শুরু হয়। এখানে তোমরা বলবে, আমাদের নিজের ঘরে ফিরে যেতে হবে। ওখানে তো তোমরা বুঝতেই পারো যে, পুনর্জন্ম নিতে হবে। বাবা তো সব কথাই বুঝিয়ে বলেন। ভ্রমরের উদাহরণও তোমাদেরই জন্য। তোমরা হলে ব্রাহ্মণী, বিষ্ঠার পোকাকে তোমরা ভোঁ ভোঁ করো। বাবা তো তোমাদের বলেন, এই শরীরকেও ত্যাগ করতে হবে। বেঁচে থেকেও মৃত্যুবরণ করতে হবে। বাবা বলেন যে, নিজেকে আত্মা মনে করো, এখন আমাদের ঘরে ফিরে যেতে হবে। নিজেকে আত্মা মনে করে বাবাকে স্মরণ করতে হবে। এই দেহকে ভুলে যাও। বাবা তো খুবই মিষ্টি। তিনি বলেন, বাচ্চারা, আমি তোমাদের এই বিশ্বের মালিক বানাতে এসেছি। এখন তোমরা শান্তিধাম আর সুখধামকে স্মরণ করো। অল্ফ (আল্লাহ) আর বে (বাদশাহী)। এ হলো দুঃখধাম। আমাদের অর্থাৎ আত্মাদের ঘর হলো শান্তিধাম। আমরা এতদিন অভিনয় করেছি এখন আমাদের ঘরে ফিরে যেতে হবে। ওখানে এই ছি - ছি শরীর থাকে না। এখন তো এই শরীর সম্পূর্ণ জর্জরিভূত অবস্থা হয়ে গেছে। এখন বাবা আমাদের সামনে বসিয়ে ইঙ্গিতে শেখান। তিনি বলেন, আমিও আত্মা আর তুমিও আত্মা। আমি শরীর থেকে পৃথক হয়ে তোমাদেরও তাই শেখাই। তোমরাও নিজেদের শরীর থেকে পৃথক মনে করো। এখন তোমাদের ঘরে ফিরে যেতে হবে। এখন তো এখানে আর থাকার সময় নেই। তোমরা এও জানো যে, এখন বিনাশ হবে। ভারতে রক্তের নদী বইবে। এরপর ভারতেই আবার দুধের নদী বয়ে যাবে। এখানে সব ধর্মের মানুষই একত্রে আছে। সবাই নিজেদের মধ্যে লড়াই করে মরবে। এ হলো পরের দিকের মৃত্যু। পাকিস্থানে কি কি না হতো

। খুবই কঠোর দৃশ্য ছিলো যা কেউ দেখলে অজ্ঞান হয়ে যাবে । বাবা এখন তোমাদের মজবুত তৈরী করছেন । তিনি দেহের ভাবও দূর করে দেন ।

বাবা দেখেছেন, বাচ্চারা ঠিকমতো স্মরণে থাকে না । তারা খুবই দুর্বল, সেই কারণে সেবারও বৃদ্ধি হয় না । তারা বারবার লিখতে থাকে, বাবা, স্মরণ করতে ভুলে যাই, বুদ্ধি যুক্ত হয় না । বাবা বলেন, 'যোগ' শব্দের কথা মনে রেখো না । বিশ্বের বাদশাহী দেন যে বাবা, তাঁকে তোমরা ভুলে যাও । আগেও ভক্তিতে বুদ্ধি অন্যদিকে চলে যেতো তখন নিজেদের চিমটি কাটতে । বাবা বলেন - তোমরা আত্মারা হলে অবিনাশী । তোমরা কেবল পবিত্র আর পতিত হও । বাকি আত্মারা কখনোই ছোটো - বড় হয় না । আচ্ছা ।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্নেহ - সুমন আর সুপ্রভাত । আত্মাদের পিতা তাঁর আত্মারূপী বাচ্চাদের নমস্কার জানাচ্ছেন ।

ধারণার জন্য মুখ্য সার :--

১ ) নিজের সঙ্গে কথা বলা - আহা, বাবা এসেছেন আমাদের সেবায় । তিনি আমাদের ঘরে বসে পড়াচ্ছেন । অসীম জগতের বাবা অসীম সুখ প্রদান করেন, তাঁর সঙ্গে আমরা এখন মিলিত হয়েছি । এমন প্রেমের সঙ্গে বাবা বলে ডাকো আর খুশীতে প্রেমের অশ্রু যেন এসে যায় । শরীর যেন রোমাঞ্চিত হয় ।

২ ) এখন ঘরে ফিরে যেতে হবে, তাই সবার থেকে মোহ দূর করে জীবন্মুত হতে হবে । এই দেহকেও ভুলতে হবে । এর থেকে পৃথক হওয়ার অভ্যাস করতে হবে ।

বরদান :-- কর্মের হিসেব - নিকেশকে বুঝে নিজের অচল স্থিতি বানিয়ে সহজ যোগী ভব চলতে ফিরতে কর্মের কোনো হিসেব - নিকেশ যদি সামনে আসে, তখন বিচলিত হবে না, স্থিতিকে উপর - নীচ কোরো না । যদি এসেও যায়, তাকে পরখ করে দূর থেকেই শেষ করে দাও । এখন আর যোদ্ধা হয়ো না । সর্বশক্তিমান বাবা সাথে থাকলে মায়া তোমাদের বিচলিত করতে পারবে না । কেবল দৃঢ় বিশ্বাসের ফাউন্ডেশনকে প্রত্যক্ষতায় নিয়ে এসো আর সময় অনুযায়ী ব্যবহার করো তাহলেই সহজ যোগী হতে পারবে । এখন যুদ্ধ করা যোদ্ধা নয়, নিরন্তর যোগী হও ।

স্লোগান :-- ডবল লাইট থাকতে হলে নিজের সমস্ত দায়িত্ব বাবাকে সমর্পণ করে দাও ।